

The



kat.komo
59987

Mag. St. Dr.

P

Teol. 4841

Theologica
Cyri Ioannis Iosephi: Quæstio leges de voluntariis
et involuntariis atque circumstantiis actuum
humanorum.

VO
At

Ex



N

Phil
Bac
ce

M
fn

I

✠
IN NOMINE DOMINI, AMEN.

QVÆSTIO

THEOLOGICA,

DE

VOLUNTARIO & INVOLUNTARIO,

Atq; Circumstantijs Actuum Humanorum,

QVAM,

Ex Prima Secundæ, Summæ Theologicæ,

D. THOMÆ, Doctoris Angelici, à Quæst: 6. ad

Quæst: 7. inclusive

DEPROMPTAM;

ET PUBLICÆ DISPUTATIONI



EXPOSITAM:

PRÆSIDENTE

M. CHRISTOPHORO

KRZYKAWSKI,

Philosophiæ Doctore, Collega Majore, S. Theologiæ
Baccalaureo, Ecclesiarum Collegiatarum, Neosandecensis Can-
cellario, S. FLORIANI ad Crac: CANONICO, Coursûs Theolo-
gici Moralis, foundationis Oblonkovianæ, PROFESSORE.

SUSCEPIT

M. JOANNES JOSEPHUS CYRUS,

*In Alma Universitate Crac: Philosophiæ Doct̃or & Professor,
eiusdem Coursûs Auditor,*

PROPVGNANDAM.

In Lectorio DD. Theologorum.

Anno Salutis 1701. Die 30. Januarij. Horis Pomeridianis.

CRACOVIAE, Typis UNIVERSITATIS.



59987^{III}

Armatus Mucrone Bison, Pastore tenente
 Cælum, nunc Vigilis nobile præstat opus.
 Ergo Craciadum, numerosus Grex sibi firmum
 Credat præsidium, desuper esse datum.
 Certè LVBIENÆ Virtutis, maxima dos est,
 Custodire Domos, Regnaq; celsa DEI.

ILLVSTRISSIMO,
AC REVERENDISSIMO DOMINO,
D. CASIMIRO

à LUBNA,

LUBIENSKI,
SUFFRAGANEO NOMINATO,
CANONICO, & SEDE VACANTE EPISCOPA-
TUS CRAC., ac DUCATUS SEVERIENSIS,
GENERALI ADMINISTRATORI,
Domino & Patrono Amplissimo.

Ræcellam Nominis tui adoream, & im-
mortalium in Vniversitatem nostram meritum
amplitudinem, debito cultu, & tesserâ gratitu-
dinis venerari, nobis summè voluntarium est. *Il-*
lustrissime & Reverendissime Domine. Quippe
cum propensa in Cracias Musas Voluntas tua,
heroicos Virtutum, & gratiarum, Magnorum Aborigenum imitata
actus, tot luculentissima favorum suorum reliquerit nobis documen-
ta; certè id à nobis jure promeruit; vt promptitudinis nostræ, ac Stu-
diorum censum, honori tuo dicaremus. Nec alibi tutius, Theologica
Pallas, cum sua Thesi Patrocinium, & Asylum quærere potest;
quàm inter victrices *Illustrissima* FAMILIÆ Tuæ Palmas, ac augusta
Trophæa; quibus magni LUBIENSCII Heròes, Orbem Christia-
num implevêre. In hac Præcella PROSAPIA, quot Senatores excelsis
è Curulibus, aurea consiliorum Oracula depromentes, quot Patres
Patratos, sacrisq; Divorum Aris, propter stupendas virtutes, & in-
gentia merita, desuper admotos Antistites, sæcula numerârunt; tot
Ioves Statores Boni publici, Ecclesiarum columnina, omnium bono-
rum imitationi, ac admirationi, in Capitolio immortalis gloriæ vi-
suntur; quibus tanquam Semideis, Caput hoc GENTILITII BISONTIS
in victimam celsit, & perenne ornamentum. Nam quoad longis-
simè mens mea intueri potest, in Annalium monumentis, spatium

præteriti temporis, profectò omiſſis, ex industria propter imbecillita-
tem exilis ingenij mei, pluſquam trecentis GENTIS Tux Fabijs; quo-
rum gloriam, nulla rapiet dies, vel Ipsi, humana, animo heroico ſu-
pergreſſi, MARCVS LVBIENSKI, Palatinus Breſtenſis, & HIE-
REMIAS LVBIENSKI, Polonæ libertatis, robore, & conſilio
magni Aſſertores, quantum pro amore Patriæ, publicæ æſtimationis
pondus aſſecuti fuerant, non tantum os populi, ſed vivæ vocis Ora-
cula Sereniſſimorum olim, & Inviſtiſſimorum, SIGISMVNDI
III. & VLADISLAI IV. declararunt. Provehit niveis fama
jugalibus per regna & Provincias, magnitudinem Operum, quæ geſ-
ſit NICOLAUS LVBIENSKI, Palatinus Siradienſis: reponit in
Archivo immortalitatis, ampliſſimas ingenij dotes, maſculum, ad per-
ferenda omnia pro integritate Reipub: pectus, & inæſtimabilia re-
ctefactorum Cimelia, ANDRÆ LVBIENSKI, Supremi Regni
Theſaurarij, qui ſe nunquam opulentiorem fore ediſſeruit; niſi cum
ſe, ſuaq; in publicum profunderet. Porro cum ceciderit deſuper
beatior ſors ſupremi in Reipub: noſtra Honoris, in CELSISSIMVM, &
REVERENDISSIMVM, MATHIAM LVBIENSKI, ARCHIEPI-
SCOPVM GNEſNENSEM, Regni Primatem, Primumq; Princi-
pem, Legatum Natum; nulla tam ſublimis ſuada reperitur, tanta
verborum copia, quæ culmen virtutum eius ſublime, & faſtigium
meritorum attingere queat. Sub hoc ARCHIPRÆSVLE pientiſſimo, Or-
thodoxa reſloruit, & in quaſdam Poloniæ Provincias, quaſi poſtli-
mino reducta eſt, ſuaq; reſtituta Majeſtati Religio. Hoc zelante
Principe, quarta Erebi Furia, diſcordia Civium, extinctâ fatali rebus-
pub. tœdâ, ad barathrum proſuſa eſt. Huius Primatis inviſtam con-
ſtantiam & ſanctitudinem mentis, experta eſt infanda Hæreticorum
colluvies; cuius Gorgoneum caput, GENTILITIO ACINACE, tam fe-
liciter præcidit hic ſanctior Perſeus; vt ampliùs non excreverit, nec
incautos infascinare auſum fuerit. Atq; vtinam altis infixæ pecto-
ribus, hodierni Ævi genius teneret ea, quæ erudito calamo, & faſtis
perennibus conſignavit STANISLAVS LVBIENSKI, EPISCO-
PVS PŁOCENSIS, ABBAS TYNECENSIS: hic cum Germa-
no ſuo, ALBERTO LVBIENSKI, PRÆPOSITO PVLTOVI-
ENSI, CANONICO GNEſNENſI & CRACOVIANſI, cum
Illo pertinaci honorum contemptore, in id omnem ſolicitudinem
ſuam, quæ illis omnes noctes fecerat Cleantheas, congeſſerunt; vt
Fides Catholica, integritas Reipublicæ, Legum obſervantia, Regum

Civi-

Civiumq; salus, Sarmatici gloria Nominis, intaminatis fulgerent honoribus. Verum in tam Illustri Atavorum Avorumq; tuorum Corona, invicti animi fortitudine, Victriciumq; Laurearum Splendoribus, tanquam vnio pretiosissimus, omnium in se obtutus rapuit, ILLUSTRISSIMVS, SIGISMVNDVS LVBIENSKI, PALATINATVS SIRADIENSIS, VEXILLIFER MAIOR, PARENS Tuus Desideratissimus; qui cum Magno CZARNECIO, victoriarum Comes, inter fluctus, tempestatesq; sonoras, debacchantis Sudermanici Neptuni, periclitantem nostræ Republicæ navem, Patrijs Opibus, & nativis Stipendijs, Sanguine, & salute propriâ, efficaciter servare, & ad portum tranquillitatis reducere enixus est. Incredibilem hunc, erga Serenissimos Reges, vniversamq; Rempubl.; ingentibus illâ tempestate, calamitatû fluctibus pressam, amorē, summis utiq; destinaverat coronare honoribus, omnium gratiarum compendiû, verusq; virtutum æstimator, IOANNES III.; nisi supremus benemeritorum Coronator DEVS, præ matura in Cœlum evocatione, æternis præmijs, Herculeos ipsius labores coronasset. Quodsi PARENTVM virtutes, in Prolem, inclytâ excellentis naturæ communicatione derivari solenne sit, quis inficiabitur? Te non vitam tantum, sed pietatē quoq; probatosq; mores cum lacte suxisse, ex *Illustrissima CÆCILIA, Illustrissimi olim OPACKI, PALATINI DERPATENSIS, Lectissima FILIA,* Matronaliumq; decorum splendoribus, eximias retroacti ævi Heroïdes adæquante. Tantarum virtutû, & præcelso sanguinis, ex asse Hæres; quomodo Principibus complacueris in hoc Regno Viris? ille Sarmaticus Nestor, ingeniorumq; Argus, quem Reges quoq; suam Cætonem venerabantur, ANDREAS OLSZOWSKI, ARCHIEPISCOPVS G NES N E N S I S, Primas Regni, Primusq; Princeps, candidum adiecit calculum; qui Te ad summa quæq; genitum enuntians, TRZEBICIO Olori planè invisceravit; vt Tibi novi Canonialis in Vavelo Honoris auspex fieret. Verum & ipse hic Præsul Ocellus, Senatorum aureus Tripos, collectas à Te in fastigio Orbis terrarum, in Vrbe, Orbis Principe, non vulgaris sapientiæ opes, probatam publicis disceptionibus, ex sacra profanaq; scientia, ingenij felicitatem, Medullam Politioris Atticismi, Encyclopædiam omnigenæ eruditionis, acutiùs Epidaurio serpente suspexit. Et ne tantus virtutum, ac literarum splendor sub modio hæreret, eum in Vavellanis Aris, vt abundantius, inter fulgentissimas luceret Coronas, collocavit. Atq; vixisset vtinam CELSISSIMVS PRINCEPS, ILLU-

STRISIMVS olim, & REVERENDISSIMVS DOMINVS, STANSLAVS IN
LVBRANIEC DAMBSKI, EPISCOPVS Cracoviensis, DVX Seve-
rie, ALMÆ VNIVERSITATIS Crac: CANCELLARIVS Faventissimus, Præ-
sulum Gemma, Senatorum Apex, Patriæ Amor, SERENISSIMI &
INVICTISSIMI AVGVSTI II. REGIS Poloniarum, hodie nobis fel-
citer imperantis, Poloniæq; fines Victoriosis prælijs, & incredibili ze-
lo ampliantis, alter quondam Ephestio, breve (eheu) Diœcesis no-
stræ delictum; qui Te ILLUSTRISIME, & REVERENDISIME DOMINE,
animorum Triumphatorem, sub GENTILITIA SVA ARBORE, in
Capitolium novi Honoris, nimirum Officialatûs Generalis, & Suffra-
ganeatûs Crac: deduxerat. Prodigas iam post OBORSCIANA
LILIA, & SZEMBECIANAS ROSAS, Flos Prælatorum, gloriâ
meritorum fulgidus, odore præcellî Nominis omnibus acceptabilis,
vota totius Diœcesis implens, & coronans, onera publicæ sollicitu-
dinis, mutuis subsidijs, cum suo Athlante Alcides gloriosissimè suppor-
tans; monstrâsti, quântum Tibi inest roboris, quantum concessum de-
super gratiæ, ad publica munia sustentanda. Verum redeunte in
Empyreum hac priore Intelligentiâ, Tuæ Activitati committi debu-
it, vnanimi Voto, totius PERAVGVSTI CAPITVLI Crac: Cœlû hoc infe-
rius Amplissimæ Diœcesis: Vidit nempe, & mille experimentis pro-
bavit, maximam Animi Tui prudentiam, Præcellus hic Patrum Con-
Scriptorum Senatus, ideo in hac Orbitate Pastoris, Tibi vices com-
misit, Regiminis Supremi; Vt Orbis hic sacer, sub tanto Motore
Angelo, CASIMIRO, casus miros, quibus sæpe, propter vrgentia
Fata, humana voluntur, evitaret. Quare ad sacrum Prudentiæ tuæ
Tribunal, etiam hanc Thesim de Voluntario & Involuntario exami-
nandam, sereno suscipe animo; & omnium nostrum voluntates, Tibi
prosperrimos successus, vitam longævam, supremos in Ecclesia DEI
Honores, comprecantes, almo gratiæ Tuæ sinu complectere, meq;
clientem tuum, benevolo protectionis tuæ favore, prosequi non de-
digneris. qui sum

JLLUSTRISIMÆ & REVERENDISSIMÆ
DOMINATIONIS VESTRÆ,

Humillimis obsequijs devotissimus,
M. IOANNES IOSEPHVS CYRVS,
Philosophiæ Doctor, & Professor.

QVÆSTIO

THEOLOGICA, DE VOLUNTARIO, & INVOLUNTARIO, atq; Circumstantijs Actuum Humanorum.

U Voluntarium & Involuntarium, quæ sunt Principia Intrinseca Actuum Humanorum: & quidem Voluntarium, quod in Actibus Humanis Perfectum invenitur: nec Directum potest esse absq; omni Actu: Involuntarium autem seu Violentia, quæ etiam datur in Actibus Humanis: quam etsi Ignorantia Antecedens causet simpliciter: non tamen potest inferri Voluntati quoad Actus Elicitos: hinc sicut Metus: ita Concupiscentia: non causant Involuntarium seu Violentiam Simpliciter: requirant Circumstantias, ad Bonitatem, & Malitiam Actuum Humanorum, dignoscendam. nec ne?

CONCLUSIO I.

Voluntarium & Involuntarium, sunt Principia Intrinseca Actuum Humanorum.

COROLLARIA.

1. Voluntarium Aristoteles Lib: 3. Ethic: Cap: 1. definit sic: Voluntarium est, cuius Principium est in ipso agente, sciente singula, in quibus est ipse Actus. Doctor vero Angelicus hic Qu. 6. Art. 1. definit Voluntarium sic: Voluntarium est, quod procedit à principio intrinseco, cum cognitione finis & Circumstantiarum.
2. Voluntarium multifariam à Doctoribus dividitur: Primò dividitur, in Voluntarium Imperfectum, & Perfectum. Imperfectum est, quod regulatur Cognitione sensitivâ imperfectâ; vel etiam, Intellectivâ, etiam imperfectâ; quoties in Obiecto, non plenè discernit rationem boni, vel mali, proinde, non solum reperitur in appetitu sensitivo; sed etiam in Rationali quod est voluntas.

A

Et sub

Et sub hac divisione *Voluntarij*, continentur *Actus appetitivi brutorum*, *puerorum*, *amentium*, omnesq; alij, qui plenam deliberationem rationis preveniunt: dicunturq; *Motus primò primi*, vel *secundò primi*. Nam cum *Voluntarium*, mensureretur *Cognitione*, & isti *Actus enumerati*, sequantur cognitionem imperfectam, vel sensus, vel intellectus non plenè deliberantis, inde est, quòd nullus illorum, possit esse *voluntarius perfectè*. *Voluntarium Perfectum* est, quòd regulatur cognitione perfectà, ut est *Intellectiva*, dijudicante plenè rationes predictas. *Secundò*, *Dividitur in Voluntarium Actus; & Virtute*. *Voluntarium Actus* est, quòd expressè procedit à *Voluntate*, *Voluntarium Virtutis* est, quòd non est retractatum, sic qui eundo ad Chorum vult dicere *Horas competenter*, & deinde contra suam voluntatem distrahitur, dicitur velle orare virtualiter. Si autem una res est connexa cum alia, v.g. *Sacri Ordines cum Castitate*; rem connexam cum alia, dicitur velle *Interpretatiuè*. Sic qui vult *Ordines sacros*, licet non exprimat, vult *Castitatem Interpretatiuè*, qui licet interpretari; quòd tendendo in unum, tendat in alterum connexum. 3tò. in *Liberum & Necessarium*. *Primum*, procedit à voluntate, cum indeterminatione ad utrumlibet. *Secundum*, quòd procedit à voluntate cum determinatione ad unum. Hoc secundum reperitur in *Beatis*; *Beati enim*, necessario volunt diligere Deum. 4tò. dividitur in *Voluntarium, ex Propria & ex Aliena Voluntate*. *Primum* est quòd procedit à voluntate operantis: 2dum est, quòd quidem Physicè procedit à voluntate alterius, qua tamen reputatur tanquam propria; ad hoc secundum pertinet peccatum Originale. 5tò. in *Voluntarium in se ipso & in Alio*. *Primum* est, secundum se volitum: *Secundum* quòd licet secundum se, non sit volitum, est tamen volitum in alio, in quo cognoscitur vel cognosci poterat, & taliter peccata in ebrietate prausa, sunt voluntaria.

III. Homo sicut in statu Innocentia fuit liber, libertate Indifferentia; ita in statu Nature lapsa.

IV. Ut Actus nostri, sint boni vel mali Moraliter, non sufficit Spontaneitas, sed requiritur libertas Indifferentia; qua Indifferentia contradictionis ad agendū, vel non agendū, est de Essentia libertatis.

V. Indifferentia ad bonum vel malum, atq; potentia peccandi, non pertinent ad Essentiam Libertatis, sed solum ad statum Accidentalem.

lem, quem habet in nobis Viatoribus, nondum clarè videntibus,
Divinam Essentiam.

CONCLUSIO II.

Voluntarium Perfectum in Actibus Humanis invenitur.

COROLLARIA.

- I. Etiam in Actibus Divinis, & Angelorum, est Voluntarium Perfectum.
- II. In brutis animalibus, licet quoq; inveniatur Voluntarium, est tamen Imperfectum.
- III. Voluntarium Uniuocè predicatur de homine & bruto, bruta enim conueniunt Vniuocè, & Genericè nobiscum, in Gradu, & ratione Cognoscitiui: sentire enim cognoscere est.
- IV. Spontaneum, Voluntarium, & Liberum differunt inter se; & licet omne Liberum sit Voluntarium, non tamen omne Voluntarium, potest dici Liberum.
- V. Actus Necessary, ex perfectione Cognitionis, sunt magis Voluntarij, quàm liberi.

CONCLUSIO III.

Voluntarium Directum, non potest esse, absq; omni actu.

COROLLARIA.

- I. Voluntarium Indirectum, potest esse aliquando absq; actu Exteriori, cum actu Interiori, aliquando sine Actu Interiori.
- II. Voluntarium Indirectum, absolute loquendo, seu Omissio purè libera, non potest esse, absq; ullo Actu formali, & explicito, vel Antecedente, vel Consequente, per Accidens, qui sit Causa, vel occasio omittendi.
- III. Ut Omissio, & actus ex illa sequens, sint voluntaria, requiritur Debitum, seu Obligatio ponendi actum, qui omittitur.
- IV. Quando, est Debitum, seu Obligatio solius decentiæ, quæ neq; ad culpam, neq; ad penam obligat, ut est Debitum amicitiae, gratitudinis, Urbanitatis, tunc Omissio non est Voluntaria.
- V. Omnis Omissio Voluntaria, est peccaminosa.

CONCLUSIO IV.

Involutarium, seu Violentia etiam datur, in Actibus Humanis.

COROLLARIA.

- I. *Involuntarij Causa sunt quatuor, scilicet: Violentia, Metus, Concupiscentia, seu Passio vehemens, & Ignorantia.*
- II. *Violentum definit Aristoteles 3tio Ethic: Cap 1 sic: Violentum est, cuius principium est foris, quod provenit à principio extrinseco, passo non conferente vim.*
- III. *In Definitione data Ly, non conferente vim, non solum intelligendum est Negatiue, sed etiam Positiue.*
- IV. *A ratione Violenti, excluditur lux recepta in aëre. Gratia Sin-
etificans in anima, formæ artificiales, & alia huiusmodi, quæ li-
cèt proveniant ab extrinseco, non tamen sunt violenta Subiectis.*
- V. *Hæc quatuor Nomina: Necessarium, Violentum, Coactum, &
Involuntarium; licet aliquando confundantur; differunt tamen
inter se, per diuersas formalitates.*

CONCLUSIO V.

Ignorantia Antecedens, causat Involuntarium Sim-
pliciter.

COROLLARIA.

- I. *Ignorantia Antecedens excusat à peccato.*
- II. *Ut Contractus, Vota, & similia sint valida, quæ fiunt ex Igno-
rantia Antecedente; in illis sunt duo attendenda, scilicet, Sub-
stantia rei, & Accidens.*
- III. *Ignorantia Consequens, causat voluntarium simpliciter, & Inuo-
luntarium secundum quid.*
- IV. *Ignorantia Concomitans, neq; causat Voluntarium; neq; Inuo-
luntarium, sed non voluntarium.*
- V. *Ignorantia consequens, non excusat à peccato, Concomitans
vero nec excusat, nec accusat de se.*

CONCLUSIO VI.

Violentia, non potest inferri Voluntati, quoad Actus
Elicitos.

COROLLARIA.

- I. *Voluntati potest inferri violentia, quoad Actus Imperatos*
- II. *Non solum Voluntati, quoad Actus Imperatos, inferitur Vi-
olentia, sed etiam ipsis Potentijs, à quibus eliciuntur.*
- III. *Non solum voluntas: sed nec vlla Creatura, potest violenti-
am pati à Deo.*

VI. Si-

IV. Si DEVS voluntatem ad operandum propensam, per subtractionem
sui concursus, vel Obiecti impediret, ne in Actum prorumperet, vel
operatione jam inceptam continuaret; non inferret illi violentiam; sed
voluntas, tunc connaturaliter quiesceret, & ab operatione cessaret.

V. Violentia causat Inuoluntarium simpliciter.

CONCLUSIO VII.

METUS, non causat Inuoluntarium simpliciter.

COROLLARIA.

I. Quae per metum aguntur, mixta sunt, ex Voluntario & Inuoluntario.

II. Quae ex metu fiunt, sunt Voluntaria simpliciter, & Inuoluntaria tantum secundum quid.

III. In his quae ex metu fiunt, est sufficiens voluntarium, ad peccatum mortale.

IV. Ut ea, quae ex metu fiunt, sint Demeritoria; duae sunt Regulae observandae. 1ma. Ut ea, quae fiunt contra Negativa Praecepta, ex metu, cadente in Virum constantem, semper sint peccata Mortalia: ut sunt Homicidium, Adulterium quocumque metu fiant, siue leui, siue graui, cum periculo mortis, semper sunt peccata. 2da. Quae fiunt contra Praecepta Divina Positiva, ex metu cadente in virum constantem, videlicet ob periculum mortis, licet sint voluntaria, non tamen incurrunt peccatum, ut si quis die Dominico laboret; ut in extrema Necessitate, vitam sustentet, non est transgressor Legis: quia non est credibile, quod DEVS, in omni casu, etiam cum amissione vitae, velit obligare homines, ad observationem legum: In duobus tamen casibus, non licet, propter vitae conseruationem, Ius Divinum Positivum transgredi. 1mus, Si ex omissione Iuris Divini Positivi, sequeretur abnegatio Fidei, & scandalum pusillorum, & sic Machabaei, plures fecerunt porcinas carnes non manducare, quam mortem, ea de causa quod timerunt, ne illorum exemplo, alij inducerentur, ad abnegationem legis Mosaicae. Casus 2dus, Quando praecceptum Iuris Divini Positivi, est necessarium, necessitate Medij ad salutem. ut Baptismus, Penitentia, sunt necessaria ad salutem: similiter Fides; unde instante periculo mortis, hac, cum possumus, re suscipienda sunt, aut cum non possumus, in voto, cum Ministri non est copia.

Contractus ex metu facti, Iure naturali, sunt validi, quamvis Iure Positivo aliqui irritentur, quando Metus est gravis, & iniurius, seu cadens in Virum constantem, ut loquuntur Theologi.

CONCLUSIO VIII.

Concupiscentia, non causat Involuntariū Simpliciter.

COROLLARIA.

- I. Concupiscentia etiam secundū quid, non causat Involuntarium.
- II. Concupiscentia interdū per Accidens, aliquid Involuntarij admittit.
- III. Concupiscentia Consequens, non solum causat voluntarium, sed etiam auge.
- IV. Concupiscentia Antecedens & improvisa, non tollit quidem Perfectum Voluntarium, sed minuit.
- V. Peccata ex Concupiscentia violenta Commissa, sunt minora, quā ex malitia commissā.

CONCLUSIO IX.

Voluntarium & Involuntarium; quæ sunt Principia Intrinseca Actuum Humanorum, requirunt Circumstantias, ad Bonitatem & Malitiam, Actuum Humanorum, dignoscendam.

COROLLARIA.

- I. Circumstantia sunt quadam Accidentia, Actuum Humanorum.
- II. Illa solum Circumstantia, sunt Accidentia Actuum Humanorum, qua intra eandem Speciem, variant Qualitatem Actionis, qua autem Circumstantia mutant Speciem, tam transeunt in rationem Obiecti, à quo illa Actio speciem sumit.
- III. Circumstantia, interdum mutant Speciem Bonitatis vel Malitia Moralis, aliquando eam, non mutant; sed tantum augent, intra eandem Speciem.
- IV. Nulla est Circumstantia Moralis, quæ ut talis, non addat aliquid Bonitatis aut Malitia, Actui Humano; adeo: ut si alicubi Circumstantia, nihil addant Bonitatis aut Malitia Moralis, signum est, eas non esse Circumstantias Morales, sed Physica Accidentia, respectu Actus, cui nihil addunt Moralitatis.
- V. Circumstantia Actuum Humanorum, sunt Septem, hoc versu contenta. *Quis, Quid, Vbi, Quibus auxilijs, Cur, Quomodo, Quando.* Quarum Principalissima Circumstantia est, Propter quid, seu *Finis.* Et quia

Omne bonum nostrum, dans Circumstantia Finis.

Est Deus, ergo Actus, Finis &, ipse, Deus.

Cui Laus, & Virtus, maneat & gloria, semper.

Libertasq; hominis, prædicet ipsa Deum.





SUB FELICISSIMIS AUSPICIJS,
Magnifici, Perillustris, & Reverendissimi Domini,

**D. M. MATHIÆ
P SOIECKI,**

S. Th. & V. I. Doctoris, & Professoris, Pro-
tonotarij Apostolici, Collegij Maioris, SENIORIS
PATRIS, Ecclesiarum, Cathedralis Crac: CANONICI,
Collegiatarum, SS. Omnium PRÆPOSITI, Opatovi-
ensis DECANI, SCHOLASTICI Curzeloviensis,
CANCELLARIJ Posnaniensis, CURATI in
Osiek, Contubernij Jagelloniani PROVI-
SORIS, S. R. M. SECRETARIJ,

Studij Almæ Vniversitatis Cracoviensis,
GENERALIS, ac VIGILANTISSIMI
R E C T O R I S.



Biblioteka Jagiellońska



std10026306

Epist. Joannis Josephi

~~Gymnasii theologiae de voluntate et necessitate~~

~~theologiae circa mundum actum humanum~~